

Գրեցաւ յԱյլ[ր]արատեան գաւառիս ի Վաղարշապատ քաղաքիս ի վանս Սուրբ Էջմիածնի եւ ի թվին տեառն ՌՌԽԶ, ապրիլի Ա [1] գրեցաւ:

Fra Augustinus arcepiscopus Naxiuansis.

APF, SOCG, vol. 65, f. 310r. Բնագիր:

6. [Աւգուստին Բաջեցին ՀՍ-ի քարտուղար Ֆր. Ինկուլիին]

[1646, ապրիլի 1]

Է

Հասցէ ողջոյն սիրոյ առ սիրելի բարեկամ մեր սնիօր Ինկուլի Ֆրանցիսկոսիդ: Ես կամեցայ գալ Սուրբ Աթոռդ հնազանդութիւն ցուցանել որպէս յօրէն է, այլ կարացի ոչ ուղարկեցի Պատրի ֆրա Մաթէոս Յովանէսի՝ մեծաւոր Ապարաներոյ վանից, ի հետ պատրի ֆրա Գրիգոր Ծործորեցին, որ զմեզ գործ կատարել եւ զմեր պակասութիւնն ծանուցանել քո հրամանքդ ամենեցունց աղքատանաց հայր ես եղեր եւ զպակասութիւնն լցուցեր, մեք որ եմք ի մէջ գերութեանս, զմեզ մոռացել ես, պատճառն եկելոց ոմանց ի ձեռն, որ աստ ոչինչ շահ եւ օգնութիւն չեն արել եւ ոչինչ պտուղ չունին, ո՛չ հայոց եւ ո՛չ թուրքաց, մանաւանդ Պատրի Ֆ[րա] Պողոսն, զի որքան նա չէր եկեալ, սեր եւ միաբանութիւն ի մեռչ պակաս չէր, յորժամ եկն խոտվութիւն եւ շփոթումն, մանաւանդ գայթակղութիւն եւ այն բանք, զոր գրել այ ի սուրբ ատեանդ՝ ամենայն սուտ է, ոչինչ բան չէ արել. եւ նոյնպէս պատրի Թօմաս Վիթալն, որ Ժ [10] օր չէ կացել դեռես աստ եկեալ է այդր, Ծ [100] տարէն սուտ եւ բանբասան է ասացեր. եւ թէ իրեանց գայթակղութիւնն, որ աստ արարեալ են, պիտոյ եւ արժան է, որն Դուք ամենեւին կարգէ ձգէք, որ այլքն երկնչին եւ ո՛չ առնեն. եւս աղաչեմ, որ այնպիսի ոք աստ ո՛չ առաքէք եւ թէ զինչ են արել եկեալ եղբարքդ մի ըստ միոցէ կու ծանուցանեն: Եւ եւս մեր պակասութիւն կարի յաւելցե-